

স্মারক নং- ইআবি/জনসংযোগ ত.ও প./সংবাদ বিজ্ঞপ্তি/২০১৯/০০৩০১

তারিখ: ০১ অক্টোবর, ২০২৪ খ্রিষ্টাব্দ

বরাবর

সম্পাদক

সকল দৈনিক পত্রিকা ও ইলেকট্রনিক মিডিয়া

দৃষ্টি আকর্ষণ: বার্তা সম্পাদক/ চীফ রিপোর্টার/ শিক্ষা রিপোর্টার।

বিষয়: সংবাদ বিজ্ঞপ্তি প্রচার প্রসঙ্গে।

প্রিয় মহোদয়,

ইসলামি আরবি বিশ্ববিদ্যালয়ের নিম্নোক্ত সংবাদ বিজ্ঞপ্তিটি আপনার বহুল প্রচারিত দৈনিক পত্রিকা/ইলেকট্রনিক মিডিয়া/অনলাইন মিডিয়া সহ সকল প্রচার মাধ্যমে প্রকাশ করার জন্য অনুরোধ করা যাচ্ছে।

সংবাদ বিজ্ঞপ্তি

দেশ পরিচালনা ও জাতি গঠনে আলিয়া মাদরাসার অবদান অনঙ্গীকার্য: ইআবি উপাচার্য

ইসলামি আরবি বিশ্ববিদ্যালয়ের ভাইস চ্যান্সেলর প্রফেসর ড. মোঃ শামছুল আলম বলেন, “আলিয়া মাদরাসার শিক্ষা ব্যবস্থার ইতিহাস আমাদের জীবনে এক সোনালী অধ্যায় হয়ে আছে। এ শিক্ষা ব্যবস্থা তার সৃষ্টি থেকে আজ পর্যন্ত মাদরাসা শিক্ষার সাথে সাধারণ শিক্ষার সমন্বয় করে মাদরাসা শিক্ষার্থীদের যেকোন বিষয়ে পারদর্শিতা, মেধা-বুদ্ধিভিত্তিক চর্চা ও প্রতিযোগিতামূলক পরীক্ষায় সমকক্ষতা সৃষ্টি করার ক্ষেত্রে এক গুরুত্বপূর্ণ ভূমিকা রেখে আসছে। দেশ পরিচালনা ও জাতি গঠনে এই আলিয়া মাদরাসার অবদান অনঙ্গীকার্য।”


আজ মঙ্গলবার (০১.১০.২০২৪) সকাল ১০টায় ঐতিহাসিক আলিয়া মাদরাসা শিক্ষা দিবস উপলক্ষে জাতীয় প্রেসক্লাবের আব্দুস সালাম হলে বাংলাদেশ মাদরাসা ছাত্রকল্যাণ পরিষদ কর্তৃক আয়োজিত এক সেমিনারে উপাচার্য প্রফেসর ড. মোঃ শামছুল আলম প্রধান অতিথি হিসেবে এসব কথা বলেন।

ভাইস চ্যান্সেলর বলেন, “আলিয়া মাদরাসাগুলোতে শিক্ষার আধুনিকীকরণ ও মানোন্নয়নের জন্য দরকার শিক্ষকদের উন্নত বিষয়ভিত্তিক প্রশিক্ষণ ও মানসম্মত শিক্ষা ব্যবস্থার আদলে যুগোপযোগী শিক্ষা ব্যবস্থার প্রবর্তন। এ ব্যবস্থা প্রতিটি শিক্ষা প্রতিষ্ঠানে বাস্তবায়িত হলে শিক্ষার্থীরা সার্বিক শিক্ষার উন্নতির পূর্ণাঙ্গ অভিষ্ট লক্ষ্যে পৌঁছে যাবে বলে বিশ্বাস করি।”

আলিয়া মাদরাসার শিক্ষার্থীদের উদ্দেশ্য করে মাননীয় ভাইস চ্যান্সেলর বলেন, আলিয়া মাদরাসা আমার হৃদয়ের সাথে সম্পর্কিত। সততা ও যোগ্যতা থাকলে শত্রুও আপনার সুনাম করতে প্রস্তুত থাকবে। তাই তিনি আলিয়া মাদরাসার শিক্ষার্থীদেরকে দক্ষ, যোগ্য ও সততার সাথে নিজেদের গড়ে তোলার আহ্বান জানান।

বাংলাদেশ মাদরাসা ছাত্রকল্যাণ পরিষদের উপদেষ্টা অধ্যক্ষ মাওলানা যাইনুল আবেদীনের সভাপতিত্বে সেমিনারটিতে প্রধান আলোচক হিসেবে উপস্থিত ছিলেন চট্টগ্রাম বিশ্ববিদ্যালয়ের আরবি বিভাগের প্রফেসর ড.আ.ক.ম আব্দুল কাদের এবং প্রবন্ধ উপস্থাপন করেন বাংলাদেশ ইসলামি বিশ্ববিদ্যালয়ের সহকারি অধ্যাপক ড. আব্দুছ হব্বুর মাতুব্বর।

এ সেমিনারে উদ্বোধনী বক্তব্য প্রদান করেন মাদরাসা ছাত্রকল্যাণ পরিষদের কেন্দ্রীয় উপদেষ্টা মাওলানা কেফায়েত উল্লাহ ও সঞ্চালনা করেন উক্ত পরিষদের আহ্বায়ক মাওলানা মু. তৈয়ব হোসাইন।


(আবু সাঈদ-শুহাবুদ্দীন মুসা)
সেকশন অফিসার

জনসংযোগ, তথ্য ও পরামর্শ দপ্তর
ইসলামি আরবি বিশ্ববিদ্যালয়

অনুলিপি:

১. আইসিটি শাখা (ওয়েবসাইটে প্রকাশের জন্য)।
২. অফিস নথি।